

忠烈留香記

潘思光

李公山西安邑名孝廉也篤志力行以忠孝大節自勵崇禎壬午來令郟邑時流賊李自成土賊楊同錦先後犯城恣殺掠據民且靡子公信任練總高凌雲訓練士卒戒嚴守備時出奇計撫摩殘黎而勸課之集諸生講明親上死長大義躬禮孝子王錫引而賓筵之祭投井烈女張玉華二媛以少牢凡皆明天理正人心以培國本而大厦旣傾矣後自成圍總督汪喬年於襄怒高凌雲殺其僞官守陴者皆股栗郟

郟縣志

卷之十一

藝文

五

民人凜公令無一人供獻之者賊滋怒襄陌拔軍攻
郟平其南城縛公捽使跪公躍起大呼曰吾爲朝廷
守封疆城破則死豈屈膝求活耶賊斷其舌倒懸樹
上寸轡之比死罵喃喃不絕聲太夫人喬亦遇害事
聞贈公按察蔭一子

皇朝定鼎後族人撫公櫬歸葬爲公立後令移居郟西莊
店家焉余下車瞻謁公祠迺牒學擇其嗣孫之秀
諱聲授以贊禮生給衣頂免其徭會余以母老牛

睢陽罵賊擊齒以來正氣常留天地公以孤城抗賊
百萬之師明知勢不支不肯引逃至於是母是子取
義成仁今日者過城南古塚玉骨塵已斷首碧血猶
有餘香激勸同事高練總與南霽雲雷萬春爭烈矣
但贈卹特祠之報於時有待而余所爲殷殷惓惓思
所以護惜其嗣孫者實屬有志未逮也已聞溫陵安
溪潘思光記并書以貽李聲俾寶存之

司訓李公傳

郭 倜 邑人

公諱廷隣字欽四對巖其別號也先世自山右遷邾遂世爲邾人性穎悟讀書觀大意年逾冠補博士弟子員氣概亢爽邑有大議人所囑囑不敢言者公每毅然披陳不少依阿於其間與人交有過輒面斥之由明經司訓河陽與當事者志弗諧旋解組歸延師課子疊石植花與執爨談論爲樂性喜施予遵遺命後先焚券無算歿不能葬婚不能娶者輒資之司訓河陽時嵯賈武長仁豪士也商業中落以國課窘繫

飲以三百金仁書券爲質笑曰君能償不須券不能
償何券爲卒不受孝廉李蓮未第時以其寒素時給
以膏火督課之遂登賢書及聞公歿渡黃河奔馳數
百里哭拜柩前不能起述於鄉人曰吾師安得不去
吾孟哉兼鐸敝邑白邑庠黨揚珏之寃不避嫌怨政
之不便商民者輒於當事前力陳其弊從則流連欵
曲否則聲色漸厲甚者拂袖去矣以故令長佐貳無
不貌敬而心啣之邑境接壤於孟津官渡舟子例以
私錢輸蠹役不滿然察其創費其力解項需費治者

侵賂不均一有虧累敲加倍於他邑往往至有鬻及
子女者究之上下兩病吾師直揭其弊於當路數十
年鉅弊一時蠲革立盡迄今銀工舟子等聞吾師歿
涕泗橫流歎慨彌日此可以想德澤之入人矣嗚呼
吾鄉前輩人物道德文章豪爽意氣不一其人要皆
各具面目鮮有愧怍今則求如公者不可多得矣昔
孫夏峯先生論人取疎曠不取謹密以爲古今來能
成大事者決非小廉曲謹之士且援孔文舉陳元龍
張齊賢陳同甫輩以實之信斯言也公於諸賢中宜

參一座矣惜乎位不稱才一片寒蘊未伸厥志豈非
命哉公生於康熙乙巳年卒於雍正辛亥享年六十
有七子三長月副貢次山貢生次靜太學生

論曰觀李子述公在河陽事可不謂之越俎代庖乎
然自古曠達不羈之賢豪其遇事敢爲不避嫌惡類
如是猶憶公於客中遇莆田吳君鉉鉉名下士亦遂
轉無定棲一旦定交必以傾子爲之靖剛是吾聞之
相通者十餘年後吳送女曰數千里至公已病即合
合登嗚呼此豈小廉曲謹之所能爲哉

陳眉峯先生墓表

馬慧裕

夫德與功並足立名於不朽而要必有存乎其先者
則行與才也蓋德不可名而行則人所共睹有懷之
而莫釋者情也功不可幸而才則身所自備有鬱之
而必彰者理也試以此論觀眉峯先生固有歷歷不
爽者先生年少博學書無不讀而尤邃於易遠近學
者宗之三十八舉於鄉四十九卒於家其所得於功
名者如是所謂不可幸者也然其致力於學也務求
精深而發爲議論則易且近一若聖人乃人人所能

爲者嘗曰吾儒讀書祇行卽當從事經濟之學經濟
裕而可行可傳斂之爲道德發之爲文章皆足以不
朽乃無愧乎真儒觀此可知先生出則勲業垂世不
出而亦抱負不凡也先生性至孝雖登賢書未嘗求
仕進惟日以養親爲樂居鄉輕財尙義尤勇於周急
嘗三焚借券而逋者不知里中有桀驁者聞先生至
輒走若不可對先生者此其可觀之行卽其不可名
之德也死之日士大夫及村農負販臨哭者千餘人
非所謂懷之莫釋者耶從來賢者之食報於冥漠也

不於其身則於其子孫陳氏單傳已十世至先生而
有子二孫倍之天將大其門間故先公兵奕禩之光
耳長君彝齋古道可風次君仙圃博學好義庚申歲
寶郊匪徒作亂余時旬宣是邦率一旅往捕之仙圃
率其鄉之義勇來翼余且盡偵探得賊匪確情乃克
一鼓蕺事是卽仙圃夙裕之才而秉承於家學者也
非鬱而必彰之明證乎乃仙圃功成而退不欲受爵
賞歸林下以養其母何與其父當年一領鄉薦卽歸
奉親不慕榮利之志相脗合若此吁如先生之植德

而可徵于行達才而卒致其功可不勒石以表之哉
先生名睿字聖基號屠峯陳氏鄭縣人乾隆丙子科
舉人例授文林郎候選知縣葬于縣之西原配舒氏
子二長伯璽字彝齋次伯瑜字伯圖孫四長豫鼎次
豫震豫豐豫復曾孫二與魏興岱

重修龍山書院記

章玉森

夫崇儒重道致治之要也興學作人善世之經也古
哲后御宇必興學而外家有塾黨有庠州有序無不
以學校爲正而文公守潮首延進士趙德爲潮師嗣
是而潮之士無子文行不可知譽舍弗修惟守令之
咎歟邠邑舊有書院四一曰符井一曰臨汝一曰青
雲一曰崇正四者惟崇正尙存其三皆久廢乾隆初
黃公祿始益之以龍山書院然事屬草創不久旋圯
庚申冬予握篆斯土念叔孫所館雖一日必葺其墻

垣今書院所以造士以育才之地而聽其頽敗令人
冰矜於是偕諸紳士歛金鳩工重爲創建而益廓其
規又以郊無試院卽書院之後創立考棚考棚之後
立文昌祠旣已舍宇華耀規制一新矣且延安義況
修竹星子羅西村爲院長聚諸生課其中給膏火懸
賞格使之觀摩競勸相與有成夫郊固材藪也在明
有李愚菴善迪王子王蒼谷文行並優

本朝如全車同何元一劉書峯高惕若類皆躬擧科名
噪藝圃令多士於此而爭自濯磨將發名成業後進

之於先達不可踵芳而襲烈乎是則斯舉之有禪于
邾者匪淺鮮也謹誌以文且附以所綴頌禱之詞焉
詞曰懿煥文運喜重開良工選就棟梁材木鐸宏宣
憑巨室瓊枝廣植在瑤臺豐翔天際輪奐美楚璞魯
璠於斯砥日新月異歲不同蓋世驚才看鵲起

李烈士碑

劉兆繩

烈士李姓文淵其名郝邑太學生生而有豪氣志在
有爲而以信義素孚於閭黨間歲庚申六月教匪之
變生先期移家屬於塚頭鎮距其家方爲防禦計
賊突至生徒手單騎直前當敵百人爲賊衆環擁至
汝水涯強之從生大聲呼曰爾等叛逆何可污我賊
跪好言誘之亦不屈賊知終不可得左右羣以鎗刺
之無完膚生至死罵賊不絕口烈哉時年二十九歲
越四日生之姪玉書逃歸趨視之尸已糜爛不可移

覆以席遂封墓邑令毛公率僚屬紳士弔其家祭其
墓觀者莫不泣下生無子有遺腹至九月十二日生
一子人咸謂天之報施不爽云嗚呼生援例入上庠
非常事有祿位者乃激于義罵賊不屈以死卽方之
古人有學有守盡忠報國殺身以成仁者何多讓焉
此固我

國家百餘年來培養士氣之徵抑亦其人得大獨厚至
姓有大過人者乎余襄人也於邾爲隣邑久聞其事

心重之今司鐸于茲適逢

朝廷廣頒卹典賞賚死難士民而生得蒙

恩於身後其家爲之立碑而求文於余余欣然書之以表
其烈永始不爲風世勵俗之一助也